

Kvennalistinn er eyland í íslenskri pólitík

V61. 17.11.1985

Pað lítur út fyrir að Kvennalistinn hafi þjónað hlutverki sínu og kvennalistakonur ættu ef til vill að finna sér annan vettvang, svo sem að leggjast á árina í baráttunni fyrir launajafnrétti og einbeita sér að afmörkuðum málum eða hasla sér völl í öðrum stjórnmálflokkum. Elín Antonsdóttir atvinnuráðgjafi á Akureyri telur að konur muni hafa meiri áhrif hasli þær sér völl innan „gómlu“ stjórnmálflokkanna heldur en með sérframboði. Elín skipaði fyrsta sætið á lista Kvennalistans í Norðurlandskjördæmi eystra við síðustu þingkosningar.

— Kvennalistinn er orðinn að eylandi í íslenskri pólitík. Undanfarnar þrennar þingkosningar hefur listinn jafnt og hétt tapað fylgi og það er kominn tími til að játa það að við erum ekki á réttri leið, segir Elín.

Landsfundur Kvennalistans um síðustu helgi ræddi tilvistarkreppuna sem flokkurinn hefur ratað í. Engin niðurstaða fékkst á fundinum, þótt ýmis sjónarmið hafi verið reifuð, til að mynda að taka karlmenn inn í flokkinn.

— Pað er út úr kortinu að taka karlmenn inn. Kvennalistinn er kvennalisti, punktur, segir Elín.

Hún vill ekki taka afstöðu til þess hvaða stjórnmálflokkar standa stefnu Kvennalistans næst en telur nánast hægt að útiloka Sjálfstæðisflokkinn, miðað við hvernig hann hefur starfað undanfarið. Aðrir stjórnmálflokkar hafa tekið upp á sína arma mörg stefnumál Kvennalistans og virðast taka meira tillit til kvenna og umhverfismála en áður var.

— Alþýðubandalagið hefur kosið konu í sæti formanns og nýti Margrét



Kominn tími til að Kvennalistinn játi að hann sé ekki á réttri leið, segir Elín Antonsdóttir sem við síðustu kosningar skipaði fyrsta sæti á lista flokksins í Norðurlandskjördæmi eystra.

Frímannsdóttir völdin til að bæta stöðu kvenna, barna og umhverfismála þá yrði flokkurinn aðgengilegri konum sem vilja hafa áhrif á gang mála á sínum eigin forsendum. Framsóknarflokkurinn hefur mér virst vera opnari fyrir konum og viðhorfum þeirra en áður. Í málflutningi í kosningabaráttunni bar lítið á milli okkar í Kvennalistanum og Þjóðvaka. Um Alþýðuflokkinn vil ég ekki segja mikil. Jóhanna Sigurðardóttir hrökkladist úr honum og það segir nokkuð um Alþýðuflokkinn að reynt var að stimpla hana sem frekju þegar hún var ósammála forystunni. Auðvitað er það argasti dósnaskapur, segir Elín.

— Kvennalistinn hefur haft mikil áhrif og baráttan mun halda áfram svo lengi sem þörf er á í hvaða farveg sem hún kann annars að falla, segir Elín Antonsdóttir atvinnuráðgjafi.